



Synfocity = 793

mail us at : mzsynfo@gmail.com; mizoramsynod@gmail.com - Phone - 2314648

November 26, 2020

☐ **Synod Finance Committee vawi 135-na**

Synod Inkhawmpui inbuatsaihna kal zelah Nov. 23 - 25, 2020 chhung khan Synod Finance Committee vawi 135-na chu JM Lloyd Hall, Synod Office-ah an ðu.

Synod Finance Committee hi Moderator Rev. R. Lalchangliana'n a kaihruai a, Finance Officer Report ngaihthlak a ni. Report-a a lan danin kumin chhungin Finance Committee vawi 3 leh Finance Managing Committee vawi 4 an ðu a. Hripui leng mek avanga department hrang hrang harsatna tawh mek te, Synod Hospital, Durtlang tana True NAT/Rapid Antigen Test-na khawl lei tura hmalak mek anih thu te tarlan a ni.

Tun ðum Synod Finance Committee-ah hian thu ngaihtuah tur chhawpchhuah (agenda) 9 a awm a. Kohhran Hmeichhia aþanga Donation hman dilna chungchang te, kum 2021-2022 Synod Budget chungchang te an ni a, heng agenda hrang hrangte hi Synod Inkhawmpuia pawm turin chhawp chhuah leh a ni ang.

Synod Inkhawmpui inbuatsaihna atana Synod Committee peng hrang hrangte meeting kal zelah Dec. 2 & 3, 2020-ah SEC an ðu ang a, Dec. 4 & 7, 2020-ah Pastoral Committee an ðu ang a, Pro. Pastor Interview neih nghal a ni ang.

☐ **Synod Mission Board leh ram pawn chet velna**

♦ Nov. 24, 2020 (Thawhlehi) thlenga Synod Mission Board hnuai Missionary leh an chhungte zinga Covid-19 kai zat leh Field hrang hrang dinhmun chu hetiang hi a ni:

Mipa 26 leh Hmeicþhia 39

Hrikai zat - 65

Enkawl lai - 10

Enkawl dam - 54

Thi - 1

Field hrang hrang dinhmun:

Field	Hri kai	Enkawl mek	Dam
Arunachal & Assam Mission Field (East)	6	0	6
Arunachal & Assam Mission Field (North)	5	0	5
Arunachal & Assam Mission Field (West)	15	0	15
Assam	2	0	2
Barak	6	0	6
Delhi	10	6	3
Karbi Anglong	2	0	2
Kolkata	1	1	0
Lucknow	1	1	0
Masihi Sangati	1	0	1
Nepal	3	2	1
Tripura	13	0	13
TOTAL	65	10	54

♦ **Jharkhand Mission Field**

Nov. 21, 2020 (Inrinni) khan Murbangha Biak In sak chu Field Secretary-in a hawng. Biak In sakna hmun hi helai hmuna kan Kohhran Chairman-in a peþ a ni a. He Biak in sak nân hian Laipuitlang Kohhranin Rs. 2,40,000/- an pe a, Maryland, USA Mizo Presbyterian Kohhran Hmeichhia ten dollar 600 an thawh bawk. Hemi ni hian ringthar pakhat Lal Isua zui turin a inpe.

Nov. 22, 2020 (Pathianni) khan ringthar 1 Lal Isua zui turin a inpe a. Nov. 22, 2020 (Pathianni) veþ hian Sindurpur Fellowship, member 30 awmna chu hawn a ni bawk.

◆ **Arunachal & Assam Mission Field (East)**

Nov. 21, 2020 (Inrinni) khan Yopakan Biak In thar hawn a ni. Yopakan hi khaw thar, Mullong khuain an khua rauhsana khawthar an kaina a ni. He Biak In sak nan hian Rs. Nuai 9 chuang an seng a, a thar nghah nana an lo sak lailawk a ni. Biak In sak nana donation an dawn chhun chu Rs 40,000 niin Lakla kohhran leh kan missionary 1 tanpuina a ni a, PWF-in Rs 75,000, PYF-in Rs 45,000, a bak zawng chu kohhranhote thawhkhawm a ni.

Nov. 22, 2020 (Pathianni) khan ringthar 2 Lal Isua zui turin an inpe.

◆ **Arunachal & Assam Mission Field (West)**

Nov. 22, 2020 (Pathianni) khan ringthar 2 Lal Isua zui turin an inpe.

◆ **Assam Mission Field**

Nov. 22, 2020 (Pathianni) khan ringthar 4 Lal Isua zui turin an inpe a, hemi bakah hian Guwahati Ramthar bial chhunga Hajo Fellowship-ah tualto kohhran atangin kan Kohhranahrawn lut an awm bawk.

Assam Mission Field Media Ministry rawngbawlina pawhin hma a sawn zel a, a ram mite testimony leh sermon engemaw zat an siam a, Media Ministry hmangin mission station neih lohna hmun leh Presbyterian Kohhran awm lohna hmun te pawh a thleng ta zel a ni. Media Ministry kaltlangin ringthar 1 awmin tunah hian bawhzui lai mekte neiin, Pathianin media hmanga rawngbawlina mal sawm a, engkim hi a rawngbawlina hmanrua a lo tling vek mai.

◆ **Home Mission North**

Nov. 22, 2020 (Pathianni) khan Marpara Ramthar Bial-ah ringthar 6 Lal Isua zui turin an inpe.

□ **ATC Day leh Valedictory**

Nov. 20, 2020 (Zirtawpni) khân Aizawl Theological College (ATC) chuan kum danga tih ngai loh, Covid-19 hri leng avangin College Day leh Zirlaite thlahna (Valedictory) a hmang kawp a. Synod hruaitu Moderator, Secretary leh Senior Executive Secretary i/c Theological Education ten an hman pui. Zirlai lawmman dawng te an tel bawk. He mi zawh hian Kraws Lian phunna tur lungphum phum nghal a ni.

Zirlai titha lawmman dawngte chu:

1. Z. Lalduhzuala

Lawmman hrang hrang a lak te:

- (1) Lianchheuva Memorial Biblical Prize - 1st Prize
- (2) Rev. E. L. Mendus Prize (Old Testament Hebrew subject) - 1st Prize.
- (3) Lianchheuva Memorial Theology Prize - 2nd Prize.
- (4) Lt. Col. C. Lalmuana Memorial Prize (Highest in Christian Ministry subject) - 1st Prize.
- (5) Upa Lalhmingthanga Memorial Prize for Social Analysis - 1st Prize.
- (6) R. L. Laltawnga Prize (Highest in Interdisciplinary course) - 1st Prize.
- (7) Larry Zothangliana Memorial Prize(Highest in Missiology) - 1st Prize.
- (8) Dr. C. Biakmawia Prize

2. Zirlai titha ber (Highest Mark) - Erica Zarzokim

3. Zirlai Tlawmngai ber - Jacob Zosangliana

□ **Kohhran Hmeichhe Ni**

Nov. 27, 2020 (Zirtawpni) hi Kohhran Hmeichhe Ni wawi 24-na a ni a, amaherawhchu Hripui leng mek avangin Kohhran Hmeichhe Ni hi kum dang angin hman a remchang lova, Kohhran Hmeichhia ten mahni tualchhung kohhran theuhah a remchan dan angin an hmang ang.

Kohhran Hmeichhe Ni hi Kohhran Hmeichhe Inkhawmpui Lian-in Kohhran Hmeichhe Ni bik neih a rel a, Synod Executive Committee (SEC)-in November Zirtawpni hnuhnung ber hi Kohhran Hmeichhe Ni atan hman ni se tia a relsak angin kum 1997 atang khan hman tan a ni a. Synod Calendar-ah pawh Synod Ni pawimawh zingah dah tel a ni.

□ **Presbyterian English School (PES)**

Presbyterian English School (PES) hnuaiia School hrang hrangte hnena kumtina pek thin Lump-Sum Grant 2nd Installment chu School 109-ah sem mek niin School 89 hnenah Rs. 60,000/- theuh leh School 20 hnenah Rs. 75,000/- theuh pek an ni a, a vaiin Rs. 68,40,000/- sem ral a ni.

☐ **Synod Relief Fund**

Tun hnaia harsatna hrang hrang neite hnenah Synod Relief Fund aţangin chhawmdawlina hetiang hian pek a ni.

S.No	Khua	Pek chhan	Chhungkaw zat	Pek zat
1.	Tlungvel Venghlun	Damlo	1	Rs. 8,000/-
2.	Chawnhu	Damlo	1	Rs. 8,000/-
			TOTAL	Rs.16,000/-

☐ **Kum 2021 Nilai leh Beihruai thupui leh Puitling Sunday School Zirlaibu**

Mizoram Presbyterian Kohhran chuan nakkum 2021- a Puitling Sunday School zirlaibu leh Nilai leh Beihruai Thupui chu a tichhuak ta.

Heng lehkhahu pahnihte hi Mizo lehkhahu malkhaiah chuan copy chhut chhuah tam berte an ni mek a. Puitling Sunday School zirlaibu hi copy 90,000 zet chhut niin Nilai leh Beihruai Thupui hi copy 70,000 chhut a ni.

Nakkum 2021 hian Mizoram Presbyterian Kohhran chuan Puitling Sunday School-ah "Kohhran leh a rawngbawl hna" tih an zir dawn a. He zirlaibu hi Presbyterian Pastor-te zinga mithiam, Rev. Lalzuithanga, Mizoram Synod Moderator leh Senior Executive Secretary pawh lo ni tawh ziah a ni. He zilaibuah hian zirlai 47 awmin phek 255 niin Rs. 110 man a ni.

Mizoram Presbyterian Kohhran Puitling Sunday School zirlaibu hi Mizoram Synod hnuai Kohhran zawng zawngte zirlaibu a nih bakah Presbyterian Church of Myanmar (PCM) hnuai Phai Synod pumpui chuan an zirlaibu atan an hmang ve nghal zel a. Presbyterian Church of Myanmar leh Mizoram Synod Partnership Agreement angin Mizoram Synod chuan kumtin Copy 1000 zet a thlawin Presbyterian Church of Myanmar hi a pe thin a ni.

Kum 2021 Nilai leh Beihruai Thupui zirlai thupui tur hi "Kristian Chhungkua leh nun ho dan tha" tih a ni a. Synod Executive Secretary lo ni tawh leh Presbyterian Pastor-te zinga mithiam, Rev. P.C. Pachhunga ziah a ni. Nilai leh Beihruai Thupui bu hi phek 225 zeta chhah niin Rs. 140 man a ni.

Nilai leh Beihruai Thupui hi Mizoram puma Synod Bookroom dawr zawng zawngah lei theih tura chhawp chhuah tawh a ni.

Naupang Sunday School zirlaibu; Beginner aţanga Senior zirlaibu tur erawh chu 2021 aţang hian zirlaibu thar vek hman tawh tur a nih avangin Synod Press-ah chhut mek a ni a. Tun aţanga rei vak lovah peih a ni ang.

☐ **Hruaina Eng FM Radio**

NOVEMBER 27, 2020 (FM Zoawi - Aizawl & Lunglei @ 7:30 p.m.):

- Solo** : Nancy Lalchhanhimi - I tan ka tlinglo
- Zaipawl** : Bawngkawn Bial Zaipawl - Ka Lal lenna
- Sermon** : Zohmingthangi - Chhungkuaa hmeichhiate pawimawhna
- Solo** : Rebek Vanlalpeki Sailo - Hawiloparmawi Isua
- Zaipawl** : Saitual Bial Zaipawl - Pathian hnaih hi a tha ani

☐ **Susamachar Prasaran Programme :**

NOVEMBER 29, 2020 (Pathianni) 5:00 pm. :

- Group/Choir/Solo** : Aizawl West-I Masihi Sangati - Prem anand shanti
- Group/Choir/Solo** : Champhai Vengthlang Pastor Bial - Hamara Kal
- Sermon** : Rev. Laltharzuala - Masib hamara Adarsh
- Group/Choir/Solo** : Himali Kohhran Zaipawl - Isu Mash tere Jeisa Koi Nahi
- Group/Choir/Solo** : Central PYF Choir - Krus Par

☐ **Moderator leh Executive Secretary-te Programme:**

Synod Moderator leh Executive Secretary te Synod Inkhawmpui atana inbuatsaihna Synod Committee peng hrang hrangah an thu ang.